

Collatorum
inobedi-
entium poen.

Exemplo-
rum fides.

Sanctio pec-
nalis.

D. P. An. 5.
die 1. Nov.

Publicatio.

§. 4. Quod si forte quisquam Colatorum prædicatorum fuerit Præsentium violator, eum à beneficio- rum & officiorum collatione tamdiu suspendimus, donec ipse veniam petens restitutionis gratiam à Sede prædicta meruerit obtinere.

§. 5. Ceterum volumus ut Præsentium transumptis, etiam impressis Notarii publici manu, & sigillo personæ in dignitate Ecclesiastica constitutæ obli- gnata, eadem profus fides in iudicio & extra illud ubi- que locorum adhibeatur, quæ adhiberetur ipsis Præ- sentibus, si essent exhibitæ vel offensæ.

§. 6. Nulli ergo omnino hominum liceat hanc paginam nostræ declarationis, suspensionis, & voluntatis infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac beatorum Petri & Pauli Apostolorum eius se noverit incursum.

Dat. Romæ apud S. Petrum, Anno Incarnationis Dominicæ, millesimo quingentesimo septuagesimo sexto, Calend. Novemb. Pont. nostri anno quinto.

Anno à Nativitate Domine 1576. indict. 4. die vero 29. mensis Novemb. Pontif. Sanctiss. in Christo Patris, & D. N. D. Gregorii divina providentia Pape XIII. Anno V. retrospectiva littera affixa, lecta & publicata fuerunt, & per aliquod temporis spatium dimissa in valvis S. Jo. Lateranen. & Principis Apostol. de Urbe & in acie Campi Floræ, per nos Joannem Freyle, & Claudium Mongeat ejusdem S. D. N. Pap. Curs.

Ant. Ludovicus Mag. Curs.

XLII.

Institutio Collegii Græcorum in Urbe, pro Schola- ribus Nationis Græcæ piè alendis & instruendis, cum annuorum reddituum assignatione, & indul- torum concessione.

Ad materiam Græcorum plenè notavi sup. in const. 14. Innoc. IV. Sub Catholica. in Tomo I. fol. 100. ibi videas.

GREGORIUS EPISCOPUS,
Servus Servorum Dei. Ad perpetuam rei
memoriam.

IN Apostolicæ Sedis specula disponente Domino, licet imparibus constituti, ad universarum gen- tium, populorumque Christi fidem colentium salutem procurandam, ita nos esse agnovimus debitores, ut non minus longè quàm juxta positis, charitatis & vig- ilantiæ nostræ studium impartientes, quod expedire censemus, hucusque pro viribus exequamur.

§. 1. Itaque cum Christiani Orbis partes mentis nostræ oculis perlustramus, inter varias horum tem- porum ærumnas animum nostrum jubet miseratio Græcæ Nationis, quæ diu olim litterarum, scientia- rumque eruditione præstantiâ & imperii floruit subli- mitate, postea Turcarum subjecta tyrannidi, ad extre- mam fuit redacta calamitatem, & quod miserrimum est, corporum servitutem secuta est captivitas animo- rum, quia in tantam scientiarum omnium ignorantiam Græciæ populi devenerunt, ut vix ullus inter eos re- peritur, qui illas profiteri, & alios docere possit, at- que adeo omnes, qui Episcoporum, Presbyterorum, alteriusque Ecclesiastici Ordinis gradum inter eos ob- tinent scdissimis ignorantie tenebris obvoluti, sacræ Theologiæ rudes, Catholicorum dogmatum ignari, & ab Orthodoxorum religionis semita, & S. R. E. om- nium Matris & Magistræ obedientia, recedentes, in varios errores, & schismata prolapsi sunt, & laicos in eandem erroris foveam secum pertraxerunt.

§. 2. Quocirca cupientes antiquam & celebrem Nationem ab hujusmodi ignorantie, & eorum cali-

gine ad veritatis lucem, & salutis viam revocare, nullum ad id aptius remedium à Nobis existimavimus posse adhiberi, quàm si in Alma hac Urbe nostra Collegi- um erigatur, in quo pueri & adolescentes Græci ex ip- sa Græcia, & aliis Provinciis ac locis, ubi commo- rantur inquisiti, alantur, & Græcis litteris, libera- libus Disciplinis ac scientiis, sacræ præsertim Theo- logiâ, ecclesiasticis præterea ritibus, à viris probatæ fidei & doctrinæ sedulo instituantur, & postquam in Catholicæ fidei firmitate solidati fuerint, & in hujus- modi studiis profecerint, ad eorum Provinciam & lo- ca redeunt, alii qui Monasticam vitam malue- rint profiteri, ceteros Monachos & Religiosos Ca- tholicè instruere, & ad Monasticam Disciplinam, re- gularemque observantiam à qua penitus declinare vi- dentur, juxta Sanctorum Patrum instituta revocare studeant. Alii autem qui in Clerum adscribentur, Nationis suæ populis prodesse, & præesse, anima- rum curam exercere, verbum Dei sincerè prædicare, Populos ab erroribus & schismate remove, & ad salutarem Orthodoxæ fidei veritatem reducere pos- sint. Reliqui verò qui in laicali vita permanserint, publicè per Civitates aliorum Græcorum filios, ejus- dem fidei rudimenta & veritatem, litterasque & artes liberales edocere, ac similiter in Orthodoxæ Religio- nis cultu continere valeant. Atque ita divina favente gratia sperari possit, ut sana & integra fidei prædicatio & doctrina in ipsa Græcia, & totius præterea Orien- tis partibus, aliquando restituatur. Præcorumque gen- tis ejusdem Patrum lumina clarescant. Proinde ad Omnipotentis Dei gloriam, sanctæ fidei Catholicæ ex- altationem, animarum eorundem Græcorum salu- tem, ac perpetuam ipsorum cum Ecclesia Romana u- nionem, Motu proprio, certaque scientia, deque Apo- stolicæ potestatis plenitudine, unum Collegium Græ- corum puerorum, & adolescentium in eadem Urbe nostra, loca ad id statuendo auctoritate Apostolica te- nore Præsentium erigimus & instituimus, eique dotis nomine centum scuta auri, ex nostris & Cam. Apost. pecuniis, donec aliter opportunè provideatur in singu- los menses solvenda assignamus. Præterea cum Cathedra- lis ecclesia Chisamen. Insulæ Cretæ certo modo vacaverit, & vacet ad præsens, Nos considerantes Ec- clesiam ipsam, Clero populoque Latino exceptis pau- cis quibusdam Canonicis, qui tamen ab immemorabili tempore, sive ob tenuitatem præbendarum, sive ali- aliis ob causas ibi nunquam resederunt, sed Cydoniæ ibi propinquæ habitare soliti sunt, omnino carere, con- venire judicavimus, subsidium aliquod Collegio præ- dicto in sustentationem Scholarium ex hujus Eccle- siæ fructibus applicare, donec Deo dante talis constitui possit Episcopus, qui etiam Clero & populo Græco iacramenta, & quæ sunt Pontificalis Ordinis valeat ministrare; quare omnes dictæ Chisamen. Ecclesiæ fructus, redditus, & proventus, omniaque jura, obven- tiones, & emolumenta, exceptis ducentis scutis, an- nuè administratori seu Vicario, qui à Nobis eidem Ec- clesiæ deputabitur persolvendis, & annua pensione centum scutorum auri similium, quam Venerabili fra- tri nunc Episcopo Milovien. ut commodius sustentari possit, assignari decrevimus, ipsi Græcorum Collegio à Nobis erecto attribuimus, & assignamus, ita ut ab ip- sius Collegii procuratoribus, propria auctoritate ea omnia exigantur, percipi, & levare, prædique, domus, & bona quæcumque locari, aliaque ad id opportuna & necessaria fieri possint.

§. 3. Volumus autem idem Collegium, illiusque Rectores, Oeconomos, Magistros, Præceptores atque Scholares pro tempore in eo existentes, & eorum Do- mesticos Officiales & Ministros, ipsiusque Collegii bo- na mobilia & immobilia cujuscumque qualitatis & quantitatis, in dicta Urbe extra, ac alias ubique loco- rum consistentia, exempta esse ab omni jurisdictione, correctione, visitatione, dominio, superioritate & po- testate pro tempore existentis Senatoris, Conservato- rum, Reformatorumque dictæ Urbis, necnon Reitoris studii generalis, Vicarii Urbis, & Ordinariorum locorum, aliorumve quorumcumque Judicum & Officialium in ipsa Urbe, vel alias ubilibet

tis viam & lumen redu- cere in Urbe Collegium Græcorum erigit, cum assignatione redditum.

Exemptione à superioritate Ordinari- um, & alio- rum conce- dit.

Græci imperio & scientia erant sublimes, sed ad præsens in maxima sunt calamitate, & ignorantia, & à fide Catholica deviarunt.

Hic igitur Pont. volens eos ad salu-

constitutorum. Collegiumque ipsum etiam propriis ejus rebus, & bonis cum ipso, & ejus nomine supradicti contrahentes a solutione & exactione omnis & cujuscumque pedaggi, gabellæ, bullettini, decimarum, & cujuscumque alterius, tam ordinarii quam extraordinarii oneris ex quacumque causa impositorum & inponendorum eximimus, & prorsus liberamus, ac sub beati Petri & Sedis Apostolicæ, atque nostra protectione suscepimus, Nobisque & dictæ Sedi immediatè subijcimus, ac liberos, immunes, & exemptos declaramus.

§. 4. Eidemque quoque Collegio, & Scholaribus, Rectoribusque & Oeconomis, omnibus & quibuscumque privilegiis, exemptionibus, libertatibus, facultatibus & indultis, quibus studium generale Almæ Urbis, & illius Rector, Doctoresque in eo etiam actu legentes, quovis modo utuntur, potiuntur, & gaudent, ac uti, potiri, & gaudere valeant, in omnibus & per omnia concedimus & indulgemus, illaq; eis communicamus.

§. 5. Necnon Senatori, Conservatoribus, Reformatoribus, Rectorique & aliis Judicibus Officialibus, & personis prædictis, ac pro tempore existenti S. R. E. Camerario, Præfidentibusque & Clericis Camera Apostolicæ, ac quibusvis Commissariis ad exactionem decimarum, & aliorum onerum præfatorum pro tempore deputatis, ne quarumcumque Litterarum eis sub quibuscumque tenoribus & formis concessarum prætextu, Collegium, Scholares, Rectores, Oeconomos, Officiales & Ministros prædictos, seu eorum aliquem in præmissis quovis modo molestant, seu molestari permittant districtius inhibemus.

§. 6. Et præterea Regentibus, ac Superioribus dicti Collegii, cum assensu tamen Cardinalium Protectorum, qui pro tempore fuerint, sive alicujus eorum, vel de ipsorum consilio & expresso consensu, illos, quos in dicto Collegio, & alibi per debitum tempus studuisse, ac scientia & moribus idoneos esse repperint, ad Baccalareatus, Licentiatuæ, Doctoratusque Magisterii gradus, servata forma Concilii Viennensis juxta Universitatis ejusdem Urbis consuetudinem, seu alias promovendi, & ipsorum graduum solita insignia eis exhibendi, quodque sic promoti facultates in quibus studuerunt legere & interpretari, & de eis disputare, & quoscumque gradui, seu gradibus hujusmodi concernentes actus exercere, ac omnibus & singulis gratiis, favoribus, prærogativis, & indultis, quibus alii in prædicta, seu aliis Universitatibus, & alibi juxta illius, & aliarum Universitatum hujusmodi constitutiones & mores, ad gradus prædictos promoti, de jure vel consuetudine utuntur, potiuntur, & gaudent, ac uti, potiri, & gaudere poterunt quomodolibet in futurum, uti, potiri, & gaudere possint, & debeant, perinde ac si gradus prædictos in ipsa Universitate juxta consuetudinem & mores prædictos suscepissent, concedendi & indulgendi liberam eadem auctoritate tribuimus facultatem.

§. 7. Insuper ut ipsius Collegii conservationi, bonoque regimini, tam in his quæ ad institutionem & disciplinam, quam quæ ad victum & vestitum, aliaque hujusmodi necessaria pertinent opportunius consulatur, Dilectos filios nostros Jacobum S. Mariæ in Transiberim Sabellum, & Guglielmum S. Laurentii in Panisperna Sirlatum, ac Julium Antonium S. Bartholomæi in Insula Sanctæ Severinæ titulum Presbyteros, necnon Antonium S. Mariæ in Cosmedin. Diaconum Carasam, nuncupatos Cardinales ejusdem Collegii Protectores & Defensores constituimus & deputamus, quorum consilio & spe supradicta, & alia quacumque ad eosdem in Collegio admittendos Scholares, retinendosve, ac admitrendos spectantia agant & ordinent. Dantes eisdem & pro tempore existentibus Protectoribus, plenam & liberam facultatem & auctoritatem pro salubri directione & conservatione dicti Collegii, illiusque bonorum & rerum, ac jurium tam spiritualium quam temporalium Oeconomos, Advocatos, Procuratores, aliosque Ministros & Officiales in eo deputandi, amovendique, & alios eorum loco sufficiendi, ordinationesque & statuta, licita tamen & honesta, sacrisque Canonibus & Concilio

Tridentino non repugnantia, faciendi & edendi, eaque cum visum fuerit revocandi, immutandi, corrigendi, aliaque de novo condendi, quæ postquam facta, edita, revocata, immutata & correctæ fuerint, perinde haberi volumus, ac si auctoritate Apostolica approbata, & confirmata essent, illaque ab omnibus Rectoribus, Magistris, Scholaribus, aliisque personis in Collegio servantibus & ministrantibus inviolabiliter observari, ac juxta eorumdem dispositionem, & quibusvis Judicibus, sublata eis quavis aliter judicandi facultate, judicari ac definiiri debere. Et si secus super his a quocumque quavis auctoritate, scienter vel ignoranter contigerit attentari, irritum & inane decernimus.

§. 8. Non obstantibus constitutionibus, & ordinationibus Apostolicis, & dictæ Urbis juramento confirmatione Apostolica, vel quavis firmitate alia roboratis, statutis & consuetudinibus; privilegii quoque, indultis & litteris Apostolicis eidem Senatori, Conservatoribus, Reformatoribus, Camerario, Universitatibus, ac earum Collegiis Rectoribus, & personis, aliisque prædictis, necnon præfata Urbi & Populo Romano sub quibuscumque tenoribus & formis, ac cum quibusvis clausulis & decretis, etiam iteratis vicibus concessis, approbatis, & innovatis; quibus omnibus illorum tenores præsentibus pro sufficienter expressis habentes, illis aliis in suo robore permanens, hac vice dumtaxat specialiter & expresse derogamus; ceterisque contrariis quibuscumque.

Nulli ergo omnino hominum &c.

Dat. Romæ apud S. Petrum, anno incarnationis Dominicæ millesimo quingentesimo septuagesimo septimo, Idibus Jan. Pontificatus nostri anno quinto.

Die 28. Martii 1577. presentes litteræ Apostolicæ præsentatæ fuerunt in Camera Apost. & ex decreto in ea facto admittæ, & registratæ fuerunt libro signaturarum diversarum Pontificum penes me infra scriptum dictæ Camera Notarium existentem.
Tydeus de Marchis Notarius.

Declaratio quod spolia Regularium extra claustra vagantium, spectant ad K. Camera Apostolicam, juxta constitutiones Pauli III. & aliorum Prædecessorum.

De materia Spoliorum notas inspicere infra in const. 18. Pauli V. In eminenti.

GREGORIUS PAPA XIII.

Ad perpetuam rei memoriam.

Officii nostri partes sedulo præstare tenemur, ut dubia, quæ ab aliquibus falso sub prætextu, vel nimis subtiliter excitata, in Camera nostræ Apost. præjudicium tendunt, declaratione nostra dilucidentur.

§. 1. Nuper accepimus quod etsi fel. rec. Pius Papa IV. prædecessor noster constitutionem, & quacumque in illa continerentur per piæ mem. Paulum Papam IV. etiam prædecessorem nostrum contra Apostatam editam, per quam inter cetera decrevit bona quacumque mobilia & immobilia ac census, redditus, & proventus, jura, & actiones per regularem Ordinem professos, extra claustra suorum regularium locorum, etiam de licentia suorum Superiorum degentes, tempore quo extra claustra hujusmodi fuissent acquisita, etiam si acquisitiones hujusmodi ab ipsis professis ex redditibus beneficiorum ecclesiasticorum, cum cura vel sine cura per eos obtentorum seu detentorum, aut ex propria industria seu artificio, mercatura, vel ex testamento, sive successione ab intestato quorumvis consanguineorum, affinium, vel amicorum suorum, aut quorumcumque aliorum factæ essent, non Filco, aut Camera Apostolicæ, sed Religioni, aut Monasteriis, in quo seu quibus primo profecti fuissent, eo ipso applicata esse, & censeri debere, ad juris & sacrarum constitutionum formam reducerit.

§. 2. Necnon præfata bona Regularium extra

clau-

Privilegia Studii Urbis, eisque Doctorum largitur.

Quæ vide sup in Bonif. VIII. const. 9.

Officialibus observantiæ prædictorum demandat.

Facultatem promovendi Scholares Collegii ad gradus tribuit.

Cardinalem Protectorem Collegii deputat.

Clausula derogatoria.

Dat. P. An. 5. die 13. Jan.

Admissio & registratio in Cam. Apost.

XLIII.

Edita An. D. 1577.

Exordium.

Pius IV. in const. 3. fol. 3. ad terminos juris & sacrarum const. reduxit bullam 14. Paul. IV. f. 597. qua est supra in qua applicaverat bona Regularium degentium extra claustra Monasteriis in quibus illi primo profecti fuerant.